

陳運祭宋文憲公墓文

宣德間官四川按察使

古稱金華文獻之邦

山川淑氣篤生才良匪著名於道學則馳譽於詞章繼後作者吳柳與黃繫維我公毓秀其鄉蚤嘗從游聲譽亦彰矧天分之既高而學力之富強博通羣籍考訂尤詳曾設帳麟溪義塾復著書青蘿山房方元社之將屋紛干戈之擾攘抱道弗售思以自藏當聖朝之龍興適文運之聿昌應詔而起實際時康人皆爭先而快覩奚翅如景星之與鳳皇受九重之眷遇拜恩命之非常甫通籍於金閨遽進職於玉堂或侍講於經筵或典教於國庠代司帝制則唐之陸贄總裁元史乃漢之子長高文大冊之傳播弘辭輿論之敷敷粹然天資之溫燦然列宿之朗譬猶米粟布帛人皆嗜愛良金美玉時共寶藏匪但獨聞於中國而實盛傳於遐方或擬諸昌黎韓子宋文憲公全集

錄卷三

宋

四明七千卷樓孫氏校刊

或方諸廬陵歐陽斯天下之公論苟非公其孰能當胡爲山頽梁摧遽告弗祥一斥不復旅殯夔塘後遷葬於城東荷蜀國之獻王宰木已拱幾閱星霜於戲噫嘻孰其主張余欲詰之神理茫茫雖然公之高明足以永世公之雄文足以流芳將與天地同久是謂不亡連生於海隅夙仰聲光獲讀遺書景慕弗忘邇來西蜀叨長憲縉詢佳城之如故慨宿草之荒涼耿余心之悵望敬致奠於一觴惟英靈之不昧庶來格而來享

黃溥祭宋潛溪先生墓文

景泰間官四川按察使

嗚呼先生鍾天地

之間氣生文獻之名邦性分之稟既粹進修之力益強六籍淹貫義理精詳沂濂洛之源委窺孔孟之宮牆文超千古才具眾長如唐之韓柳如漢之班揚雖雲漢昭回不足以喻其